




3937

梵魚寺事蹟



ハ4  
3937



門八  
號3937  
卷

梵魚寺事蹟



梵魚寺創建事蹟

謹按僧史釋氏之教自西竺來  
入中國在於東漢永平十三年  
而有迦葉摩騰竺滂去蘭二梵僧  
以佛像及舍利佛書四十二章  
經載於白馬至于洛陽帝見而

大悅即以佛像舍利安於顯節  
陵所以經寘于蘭臺石室中未  
幾白馬死建寺其處以白馬名  
之施其御經之功以留騰蘭二  
法師此其中國寺刹之始也自  
茲厥後於魏晉齊梁唐宋之世

其道大行於天下也又考吾東  
方則在新羅訥祇王時有神僧  
墨胡子者自晉而入高句麗又  
在炤智王時有高麗阿度入于  
新羅至一善之毛禮家禮異之  
造寺於冷山中名為桃李此則

為我國寺宇之肇也今茲梵魚  
寺乃新羅四十一世真德大王  
之所創云時有倭寇十餘萬兵  
來犯王以禦寇之策問于羣臣  
相顧失色莫敢有議者王憂  
之其夜夢有神人告之曰王國

之北有山曰太白山中有神僧  
曰義湘乃金山寶蓋如來之後  
身也有華嚴神衆三千餘部與  
諸天神隨護左右且國之南有  
山曰金井其頂有石高五十尺  
石上有井水色如金盈溢不竭

有金魚游深其內五色香雲擁  
殺于上此即梵天之魚也願王  
宜迓此法師使詣其山金井之  
傍精誦華嚴神衆篇而祈之則  
庶可禦之王乃覺即遣使奉迓  
師既至一如神所教即有金甲

之神遍現環山賦見之大懼而  
遁去王大喜即拜師為國師號  
銳公大師遂命平章柳春兩等  
剏是寺以報師恩又造彌勒殿  
雕彌勒石像及四天王與華嚴  
神衆肖形巨安之以田三百六

十結奴婢百五而寵賜之云或  
曰有元曉法師率千聖之衆來  
住于此寺云元曉乃太宗武烈  
王時人則與義湘相去有十三  
世之遠矣然則元曉曾於義湘  
之前來遊於此山歟噫自新羅

至于今上下年代已過一千年  
之久則其在基陛殿宇興廢季  
紀不可得以致也逮于壬亂之  
後重復之跡有焉鑑鈔金戒環  
裕戒熙洽法仁天元德均等諸  
德唱於前有海敏印洽善裕應

默三衲善覺卓玉崇嘗自澄斗  
森元海六環敬真性環自修智  
明印雄弘義太一覺海淳一勝  
演貧心智寬等諸禪應於後其  
法堂及寮殿之屬與佛像十王  
羅漢等相凡諸什物百廢俱興

遂得不墜義湘一千季之遺緒  
然則上之諸公安知義湘當日  
法乳所養而重來於今日邪何  
其勤且至乎唯其成功之歲次  
任事之顛末叙在記中茲不贅  
為

赤帟抄秋東溪謹識



